



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 29 stava 3 Zakona o prostornom planiranju i građenju (Službeni glasnik Brčko distrikta BiH, brojevi: 29/08, 18/17, 48/18, 54/18, 10/20, 29/20 i 40/20), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 - prečišćeni tekst i brojevi 17/20 i 24/20) i Prijedloga odluke Vlade Brčko distrikta BiH broj predmeta: 22-000473/21, broja akta: 01.11-0377MB-010/21 od 10. 3. 2021. godine, Skupština Brčko distrikta BiH, na 4. redovnoj sjednici održanoj 10 marta 2021. godine, donosi

ODLUKU

O PRISTUPANJU IZRADI IZMJENA I DOPUNA PROSTORNOG PLANA BRČKO DISTRIKTA BOSNE I HERCEGOVINE 2007-2017. GODINA

Član 1

Pristupa se izradi Izmjena i dopuna Prostornog plana Brčko distrikta BiH 2007–2017. godina (u daljnjem tekstu: izmjene i dopune Prostornog plana).

Član 2

- (1) Izmjene i dopune Prostornog plana će se raditi na dijelu prostora Brčko distrikta BiH koji je u obuhvatu Prostornog plana Brčko distrikta BiH 2007–2017. godina s ciljem:
- utvrđivanja trase autoputa Tuzla – Orašje i autoputa Banja Luka – Bijeljina,
 - utvrđivanja lokacije za izgradnju centra za upravljanje otpadom „Kladje“ Donji Rahić,
 - utvrđivanja lokacije novog mosta preko rijeke Save.
- (2) Granice obuhvata i površina Prostornog plana Brčko distrikta BiH 2007–2017. godina ostaju nepromijenjene.

Član 3

Izmjena i dopuna Prostornog plana se donosi za vremenski period važenja Prostornog plana Brčko distrikta BiH 2007–2017. godina.

Član 4

Smjernice za izradu Izmjena i dopuna Prostornog plana:

- izmjenu i dopunu postojećeg Prostornog plana Brčko distrikta BiH vršiti u smislu promjene i utvrđivanja trasa autoputa Tuzla – Orašje i autoputa Banja Luka – Bijeljina,
- utvrđivanja lokacije za centar za upravljanje otpadom „Kladje“,
- utvrđivanja lokacije novog mosta preko rijeke Save, i to od ušća rijeke Brke u rijeku Savu do postojećeg mosta preko rijeke Save.

Član 5

Rok za izradu Izmjena i dopuna Prostornog plana je šest (6) mjeseci od dana uvođenja nosioca izrade u posao.

Član 6

Obavezni elementi Izmjena i dopuna Prostornog plana su:

1. Tekstualni dio
2. Grafički dio
3. Odluka o provođenju Izmjena i dopuna Prostornog plana.

Član 7

Javni uvid i javna rasprava će se organizovati u skladu s odredbama člana 37 Zakona o prostornom planiranju i građenju (Službeni glasnik Brčko distrikta BiH, brojevi: 29/08, 18/17, 48/18, 54/18, 10/20, 29/20 i 40/20).

Član 8

Za izradu Prostornog plana nije potrebno osigurati sredstva u budžetu Brčko distrikta BiH.

Član 9

- (1) Nosilac pripreme za izradu Izmjena i dopuna Prostornog plana je Odjeljenje za prostorno planiranje i imovinskopravne poslove Vlade Brčko distrikta BiH.
- (2) Nosilac izrade Izmjena i dopuna Prostornog plana je Zavod za planiranje, projektovanje i razvoj Brčko distrikta BiH.

Član 10

Postupak izrade i donošenja Izmjena i dopuna Prostornog plana provest će se u skladu s odredbama članova 29–42 Zakona o prostornom planiranju i građenju (Službeni glasnik Brčko distrikta BiH, brojevi: 29/08, 18/17, 48/18, 54/18, 10/20, 29/20 i 40/20).

Član 11

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-1245/21
Brčko, 10. 3. 2021. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za prostorno planiranje i imovinskopravne poslove
5. Zavodu za planiranje i projektovanje
6. Sektoru za koordinaciju politika i opće poslove
-Odsijeku za opće poslove
7. Arhivi